

百官公卿表第七上

漢書十九

師古曰漢制三公號稱萬石其俸月各三百五十斛  
 穀其稱中二千石者月各百八十斛二千石者百二十  
 十斛比二千石者百斛千石者九十斛比千石者八十  
 十斛六百石者七十斛比六百石者六十斛四百石  
 者五十斛比四百石者四十五斛三百石者四十斛  
 比三百石者三十七斛二百石者三十斛比二百石  
 者二十七斛一百石十六斛○劉  
 氏校本云注文一百石下有者字

漢 護 軍 班 固 撰

唐議奏行秘書監裴翥學顏 師古 集註

易敘文義神農黃帝作教化民

應劭曰交義氏始作八卦



神農氏為耒耜黃帝氏作衣裳神而化之使民宜之而  
師古曰見易下繫交音伏字本作處轉寫訛謬耳

**傳述其官**師古曰春秋左氏傳載剡子所說也**以為交義龍師名**

**官**應劭曰師者長也以龍紀其官長故為龍師春官為青龍夏官為赤龍秋官為白龍冬官為黑龍中官為

黃龍張晏曰庖羲將興神龍負圖而至因以名師與官也**神農火師火名**應劭曰

故為炎帝春官為大火夏官為鶉火秋官為西火冬官為北火中官為中火張晏曰神農有火星之瑞因以名

師與**黃帝雲師雲名**應劭曰黃帝受命有雲瑞故以雲紀事也由是而言

故春官為青雲夏官為縉雲秋官為白雲冬官為黑雲中官為黃雲張晏曰黃帝有景雲之應因以名師與官

也**少昊鳥師鳥名**應劭曰金天氏黃帝子青陽也張晏曰少昊之立鳳鳥隨

百官公卿表上

至因以名官鳳鳥氏為歷正文鳥司分伯趙司至青鳥  
司開丹鳥司閉師古曰文鳥燕也伯趙伯勞也青鳥鷦

鷦也丹鳥鷦雉也**自顓頊以來為民師而命以民事**

應劭曰顓頊氏代少昊者也不能紀遠始以職事命官也春官為木正夏官為火正秋官為金正冬官為水正

中官為土正師古曰自此以上皆郊子之辭也**有重黎句芒祝融后土**

**蓐收玄冥之官然已上矣**應劭曰少昊有四叔重為句芒肱為蓐收

脩又熈為玄冥顓頊氏有子曰黎為祝融共工氏有子曰句龍為后土故有五行之官皆封為上公祀為貴神

師古曰上謂其事**書載唐虞之際命羲和四子**

以遠也肱音該**應劭曰堯命四子分掌四時之教化也張晏曰四子謂羲仲羲叔和仲和叔也師古曰事見虞書堯典****順**



天文授民時咨四嶽以舉賢材揚側陋古師

曰四嶽分主四方諸侯者十有二牧柔遠能邇應劭曰牧州牧也師古曰

柔安也能善也邇近也禹作司空平水土師古曰空穴也古

穴以居人也棄作后稷播百穀應劭曰棄臣名也后主也為此稷官之主也師

古曰播謂布種也高作司徒敷五教應劭曰五教父義母慈兄友弟恭子

孝也師古曰高音先列反咎繇作士正五刑應劭曰士獄官之長張晏曰五

刑謂墨刑劓刑宮大辟也師古曰咎音阜繇音弋昭反墨鑿其頰而涅以墨也刑斷足也劓割鼻也剕去髌骨

也宮陰刑也大辟殺之也垂作共工利器用應劭曰垂臣名也為共工理百

官公卿表上

工之事也師古曰共讀曰龔蓀作朕虞育草木鳥獸應劭曰蓀

伯益也虞掌山澤禽獸官名也師古曰蓀古益字也虞度也主商度山川之事伯夷作秩宗

典三禮應劭曰伯夷臣名也典天神地祇人鬼之禮也師古曰秩次也宗尊也主尊神之禮可以

次序也夔典樂和神人應劭曰夔臣名也師古曰夔音鉅龜反龍作

納言出入帝命應劭曰龍臣名也納言如今尚書管王之喉舌也師古曰自此以上

皆堯典之文夏殷亡聞焉師古曰言夏殷設置官事不見於書傳也禮記明堂位曰夏

后氏官百殷二百蓋言其大數而無職號統屬也周官則備矣師古曰事見周書周

官篇及周禮也天官冢宰地官司徒春官宗伯夏官



天文授民時咨四嶽以舉賢材揚側陋師古

曰四嶽分主四方諸侯者十有二牧柔遠能邇應劭曰牧州牧也師古曰

柔安也能善也邇近也禹作司空平水土師古曰空穴也古

穴以居人也棄作后稷播百穀應劭曰棄臣名也后主也為此稷官之主也師

古曰播謂布種也尚作司徒敷五教應劭曰五教父義母慈兄友弟恭子

孝也師古曰咎繇作士正五刑應劭曰士獄官之長張晏曰五

刑謂墨別劓剕宮大辟也師古曰咎音阜繇音弋昭反

墨鑿其頰而涅以墨也劓斷足也剕割鼻也剕去頰骨也宮陰刑也垂作共工利器用應劭曰垂臣名也為共工理百

官公卿表上

工之事也師古曰共讀曰龔蔡作朕虞育草木鳥獸應劭曰蔡

伯益也虞掌山澤禽獸官名也師古曰蔡古益字也虞度也主商度山川之事伯夷作秩宗

典三禮應劭曰伯夷臣名也典天神地祇人鬼之禮也師古曰秩次也宗尊也主尊神之禮可以

次序也夔典樂和神人應劭曰夔臣名也師古曰夔音鉅龜反龍作

納言出入帝命應劭曰龍臣名也納言如今尚書管王之喉舌也師古曰自此以上

皆堯典夏殷亡聞焉師古曰言夏殷置官事不見於書傳也禮記明堂位曰夏

后氏官百殷二百蓋言其大數而無職號統屬也周官則備矣師古曰事見周書周

官篇及周禮也天官冢宰地官司徒春官宗伯夏官



司馬秋官司寇冬官司司空是為六卿師古曰冢

宰掌邦治司徒掌邦教宗伯掌邦禮司馬掌邦政司寇掌邦禁司空掌邦土也各有徒屬職

分用於百事師古曰言百者舉大數也分音扶問反太師太傅太

保是為三公應劭曰師訓也傳覆也保養也師古曰傳相也蓋參天子

坐而議政無不總統故不以一職為官名

又立三少為之副少師少傅少保是為孤

卿與六卿為九焉記曰三公無官言有其

人然后充之師古曰不必備員有德者乃處之舜之於堯伊尹

百官公卿表上

於湯周公召公於周是也或說司馬主天

司徒主人司空主土是為三公四獄謂四

方諸侯自周衰官失而百職亂戰國並爭

各變異秦兼天下建皇帝之號張晏曰五帝自以德不及

三皇故自去其皇號三王又以德不及五帝自損稱王秦自以德衰二行故兼稱之立百官之

職漢因循而不革師古曰革改也明簡易隨時宜也

其後頗有所改王莽篡位慕從古官而吏

民弗安亦多虐政遂以亂亡故略表舉大



分師古曰分音扶間反以通古今備温故知新之義云

師古曰論語稱孔子曰温故而知新可以為師矣温猶厚也言厚蓄故事多識於新則可為師

相國丞相應劭曰丞者承也相者助也皆秦官金印紫綬掌

丞天子助理萬機秦有左右荀悅曰秦本次國命卿二人是

以置左右丞相無三公官高帝即位置一丞相十一年更

名相國綠綬孝惠高后置左右丞相文帝

二年復置一丞相有兩長史秩千石哀帝

元壽二年更名大司徒武帝元狩五年初

百官公卿表上

置司直秩比二千石掌佐丞相舉不法

太尉秦官應劭曰自上安下曰尉武官悉以為稱金印紫綬掌武

事武帝建元二年省元狩四年初置大司

馬應劭曰司馬主武也諸武官亦以為號以冠將軍之號師古曰冠者加於其

上共為一官也宣帝地節三年置大司馬不冠將軍

亦無印綬官屬成帝綬和元年初賜大司

馬金印紫綬置官屬綠比丞相去將軍哀

帝建平二年復去大司馬印綬官屬冠將

大司馬



軍如故元壽二年復賜大司馬印綬置官屬去將軍位在司徒上有長史秩千石

御史大夫秦官

應劭曰侍御史之率故稱大夫云臣瓚曰茂陵書御史大夫秩中二千石

位上卿銀印青綬掌副丞相有兩丞秩

千石一曰中丞在殿中蘭臺掌圖籍祕書

外督部刺史內領侍御史負十五人受公

卿奏事舉劾按章成帝綬和元年更名大

司空金印紫綬

劉氏校本云一本無金印紫綬四字

祿比丞相

百官公卿表上

置長史如中丞官職如故

劉放曰長史如中丞多一如字

哀

帝建平二年復為御史大夫元壽二年復

為大司空御史中丞更名御史長史侍御

史有繡衣直指

服虔曰指事而行無阿私也師古曰衣以繡者尊寵之也

出

討姦猾治大獄武帝所制不常置

太傅古官高后元年初置金印紫綬後省

八年復置後省哀帝元壽二年復置位在

三公上



太師太保皆古官平帝元始元年皆初置  
金印紫綬太師位在大傳上太保次大傳  
前後左右將軍皆周末官秦因之位上卿  
金印紫綬漢不常置或有前後或有左右  
皆掌兵及四夷有長史秩千石

奉常秦官掌宗廟禮儀有丞景帝中六年

更名太常

應劭曰掌典也掌典三禮也師古曰太常王者旌旗也畫日月焉王有大事則建以行禮官主奉持之故曰奉常也後改曰太常尊大之義也。劉攽曰顏說太常都非晉說作執秩之官亦

百官公卿表上

是主禮者秩亦猶常也然則古通謂為常耳王建太常自共周禮秦何庸知之且禮官主於一旗亦非義矣

屬官有太樂太祝太宰太史太卜太醫六

令丞又均官都水兩長丞

服虔曰均官主山陵上橐輸入之官也如

淳曰律都水治渠隄水門三輔黃圖云三輔皆有都水也

又諸廟寢園食官令

長丞有離太宰太祝令丞

文穎曰離主熟食官如淳曰五時在離故

特置太宰以下諸官師古曰如說是也雍右扶風之縣也太宰即是具食之官不當復置饗人也。劉攽曰有

離太宰太祝令丞多五時各一尉又博士及諸

陵縣皆屬焉景帝中六年更名太祝為祠



祀武帝太初元年更曰廟祀初置太卜

博士秦官掌通古今秩比六百石負多至

數十人武帝建元五年初置五經博士宣

帝黃龍元年稍增負十二人元帝永光元

年分諸陵邑屬三輔王莽改太常曰秩宗

郎中令秦官臣瓚曰主郎內諸官故曰郎中令掌宮殿掖門

戶有丞武帝太初元年更名光祿勳應劭曰光

者明也祿者爵也勳功也如淳曰故公曰勳之言閹也閹者古主門官也光祿主宮門師古曰應說是也屬

百官公卿表上

官有大夫郎謁者皆秦官又期門羽林皆

屬焉服虔曰與期門下以徵行後遂以名官師古曰羽林亦宿衛之官言其如羽之疾如林之多也

一說羽所以為王者羽翼也

大夫掌論議有太中大夫中大夫諫大夫

皆無負多至數十人武帝元狩五年初置

諫大夫秩比八百石太初元年更名中大

夫為光祿大夫秩比二千石太中大夫秩

比千石如故劉敞曰此言太中大夫秩比千石如故然則中大夫舊小太中秩無二

大子

百官公卿表上

百官公卿表上

百官公卿表上



千石故言更名中大夫為光祿大夫秩比二千石太中大夫秩比千石如故也

郎掌守門戶出充車騎有議郎中郎侍郎郎中皆無負多至千人議郎中郎秩比六百石侍郎比四百石郎中比三百石中郎有五官左右三將秩皆比二千石郎中有車戶騎三將如淳曰主車曰車郎主戶衛曰戶郎秩皆比千石左古車郎左右戶郎也謁者掌賓讚受事負七十人秩比六百石

百官公卿表上

有僕射應劭曰謁請也秩比千石白也僕主也

期門掌執兵送從武帝建元三年初置比郎無負多至千人有僕射秩比千石平帝元始元年更名虎賁郎師古曰賁讀與奔置中郎將秩比二千石

羽林掌送從次期門武帝太初元年初置名曰建章營騎後更名羽林騎又取從軍死事之子孫養羽林官教以五兵號曰羽



林孤兒

師古曰五兵謂弓矢及矛戈戟也

羽林有令丞宣帝令

中郎將騎都尉監羽林秩比二千石

僕射秦官自侍中尚書博士郎皆有古者

重武官有主射以督謀之軍屯吏騶宰永

巷宮人皆有取其領事之號

孟康曰皆有僕射隨所領之事

以為號也若軍屯吏則曰軍屯僕射永巷則曰永巷僕射

衛尉秦官掌宮門衛屯兵

師古曰漢舊儀云衛尉寺在宮內朝

廣云主宮闕之門內衛士於周垣下為區廬區廬者若今之仗宿屋矣

有丞景帝初

百官公卿表上

更名中大夫令後元年復為衛尉屬官有

公車司馬衛士旅賁三令丞

師古曰漢官儀云公車司馬掌

殿司馬門夜徹宮中天下上事及闕下凡所徵召皆總領之令秩六百石旅賁也賁與奔同言為奔走之任也

衛士三丞又諸屯衛候司馬二十二官皆

屬焉長樂建章甘泉衛尉皆掌其宮

師古曰各

隨所掌之職略同不常置

太僕秦官

應劭曰周穆王所置也蓋大御衆僕之長中大夫也

掌輿馬有兩

丞屬官有大廩未央家馬三令各五丞一

大司馬卿



尉

師古曰家馬者主供天子私用非大祀戎事軍國所須故謂之家馬也

又車府路

軋騎馬駿馬四令丞

伏儼曰主乘輿路車又主凡小車軋今之小馬車也

輿也師古曰軋音零

又龍馬閑駒橐泉駒駮承華五監

長丞

如淳曰橐泉殿在橐泉宮下駒駮野馬也師古曰閑闌養馬之所也故曰閑駒駒駮出北海中

其狀如馬非野馬也

又邊郡六牧師苑令各三

丞

師古曰漢官儀云牧師諸苑三十六所分置北邊西邊分養馬三十萬頭

又牧橐昆蹏

令丞

應劭曰橐橐佗昆蹏好馬名也蹏音啼如淳曰爾雅曰昆蹏研善升蹏者也因以為殿名師古

曰牧橐言牧養橐佗也昆獸名也蹏研者謂其蹏下平也善升蹏者謂山形如蹏而能升之也蹏即占蹄字耳

百官公卿表上

研音五見反蹏音言又牛偃反

皆屬焉中太僕掌皇太后輿

馬不常置也武帝太初元年更名家馬為

桐馬

應劭曰主乳馬取其汁桐治之味酢可飲因以名官也如淳曰主乳馬以韋革為夾兜受數斗

盛馬乳桐取其上肥因名曰桐馬禮樂志丞相孔光奏省樂官七十二人給大官桐馬酒今梁州亦名馬酪為

馬酒晉灼曰桐音挺桐之桐師古曰晉音是也桐音徒孔反

初置路軋

廷尉秦官

應劭曰聽獄必質諸朝廷與眾共之兵獄同制故稱廷尉師古曰廷平也治獄責平

故以

掌刑辟有正左右監秩皆千石景帝

中六年更名大理武帝建元四年復為廷



尉宣帝地節三年初置左右平秩皆六百石哀帝元壽二年復為大理王莽改曰作士

典客秦官掌諸侯歸義蠻夷有永景帝中六年更名大行令武帝太初元年更名大

鴻臚

應劭曰郊廟行禮讚九賓鳩聲臚傳之也

屬官有行人譯官別

火三令丞

如淳曰漢儀注別火獄令官主治改火之事

及郡邸長丞

師古曰主諸郡之邸在京師者也

武帝太初元年更名行人為

百官公卿表上

大行令初置別火王莽改大鴻臚曰典樂初置郡國邸屬少府中屬中尉後屬大鴻臚

宗正秦官

應劭曰周成王之時彤伯入為宗正也師古曰彤伯為宗伯不謂之宗正

掌親

屬有丞平帝元始四年更名宗伯屬官有

都司空令丞

如淳曰律司空主水及罪人賈誼曰輸之司空編之徒官

內官長

丞

師古曰律歷志主分寸尺丈也

又諸公主家令門尉皆屬焉

王莽并其官於秩宗初內官屬少府中屬

卷六甲

百官公卿表上

卷六甲

卷六甲

卷六甲



主爵後屬宗正

治粟內史秦官掌穀貨具有兩丞景帝後元年更名大農令武帝太初元年更名大司農屬官有太倉均輸平準都內籍田五令

丞

孟康曰均輸謂諸當所有輸於官者皆令輸其地七所饒平其所在特賈官更於他處賣之輸者既

便而官有利也

幹官鐵市兩長丞

如淳曰幹音筦或作幹幹主也主均輸之事所

謂幹鹽鐵而推酒酤也晉灼曰此竹箭幹之官長也均輸自有令師古曰如說近是也縱作幹讀當以幹持財貨之事耳非謂箭幹也又郡國諸倉農監都水六十五

百官公卿表上

官長丞皆屬焉驛粟都尉

服虔曰驛音搜狩之搜搜索也武

帝軍官不常置王莽改大司農曰羲和後

更為納言初幹官屬少府中屬主爵後屬

大司農

少府秦官掌山海池澤之稅以給共養

應劭

曰名曰禁錢以給私養自別為藏少者小也故稱少府師古曰大司農供軍國之用少府以養天子也共音居用反養音弋亮反有六丞屬官有尚書符節太醫太

官湯官導官樂府若盧考工室左弋居室



甘泉居室左右司空東織西織東園匠十

二官令丞服虔曰若盧詔獄也鄧展曰舊洛陽兩獄名也藏兵器品令曰若盧郎中二十人主弩射漢儀注有若盧獄令主治庫兵將相大臣臣贊曰冬官為考工主作器械也師古曰太官主膳食湯官主饌餌導官主擇米若盧如說是也左弋地名東園匠主作陵內器物者也。劉放曰按此凡

十六官言十二誤也

又胞人都水均官三長

又上林中十池監師古曰三輔黃圖云

丞師古曰胞人主掌宰割者也胞與庖同

又中書謁者黃門鈞盾上林中池上籞五所而此云十池監未詳其數

尚方御府丞巷內者官者七官令丞師古曰鈞盾主

百官公卿表上

近苑囿尚方主作禁器物御府主天子衣服也。劉放曰按此凡八官言七又非也 諸僕射署

長中黃門皆屬焉師古曰中黃門謂奄人居禁中在黃門之內給事者也

武帝太初元年更名考工室為考工左弋

為飲飛居室為保宮甘泉居室為昆臺永

巷為掖廷飲飛掌弋射有九丞兩尉大官

七丞昆臺五丞樂府三丞掖廷八丞官者

七丞鈞盾五丞兩尉成帝建始四年更名

中書謁者令為中謁者令初置尚書負五



人有四丞河平元年省東織更名西織為織室綏和二年哀帝省樂府王莽改少府

曰共工

中尉秦官掌徼循京師

如淳曰所謂遊徼徼循禁備盜賊也師古曰徼

謂遮繞也徼音工鈞反

有兩丞候司馬千人

師古曰候及司馬及千人

皆官名也屬國都尉云有丞候千人西域都護云司馬候千人各二人凡此千人皆官名也

武帝

太初元年更名執金吾

應劭曰吾者禦也掌執金革以禦非常師古曰

金吾鳥名也主辟不祥天子出行職主先導以禦非常故執此鳥之象因以名官

屬官有中

百官公卿表上

壘寺互武庫都船四令丞

如淳曰漢儀注有互都船獄令治水官

也都船武軍有三丞中壘兩尉又式道左

右中候候丞及左右京輔都尉尉丞兵卒

皆屬焉

應劭曰式道凡三候車駕出還式道候特麾至宮門門乃開師古曰式表也

初寺

互屬少府中屬主爵後屬中尉自大常至

執金吾秩皆中二千石丞皆千石

太子太傅少傅古官屬官有太子門大夫

應劭曰負五人秩六百石

庶子

應劭曰負五人秩六百石

先馬

張晏曰先馬負十六人秩



比謁者如淳曰前驅也國語曰句  
踐親為夫老先馬先或作洗也  
舍人

將作少府秦官掌治宮室有兩丞左右中

侯景帝中六年更名將作大匠屬官有石

庫東園主章左右前後中校七令丞如淳曰章謂大

材也舊將作大匠主材吏名章曹掾師古曰今所謂木

鍾者蓋章聲之轉耳東園主章掌大材以供東園大匠

也又主章長丞師古曰掌凡大木也武帝太初元年更

名東園主章為木工成帝陽朔三年省中

二百官公卿表上

詹事秦官應劭曰詹省自也給也臣瓚曰茂陵書詹事秩真二千石掌皇后太

子家有丞師古曰皇太后太子各置詹事隨其所在以名官屬官有太子

率更家人令丞僕中者衛率厨廩長丞張晏曰太子稱

家故曰家令臣瓚曰茂陵中書太子家令秩八百石應劭曰中者主周衛徵道秩四百石如淳曰漢儀注衛率

主門衛秩千石師古曰掌知漏刻故曰率更自此以上太子之官也更音工衛反又中長秋

私府永巷倉廩祠食官令長丞諸宦官

皆屬焉師古曰自此以上皆皇后之官成帝鴻嘉三年省詹事

官并屬大長秋師古曰省皇后詹事摠屬長秋也長信詹事掌



皇太后宮景帝中六年更名長信少府張晏

曰以太后所居宮為名也居長信宮則曰長信少府居長樂宮則曰長樂少府也平帝元始

四年更名長樂少府

將行秦官應劭曰皇后卿也景帝中六年更名大長

秋師古曰秋者收成之時長者或甬中人或用士

人師古曰中人奄人也

典屬國秦官掌蠻夷降者武帝元狩三年

昆邪王降師古曰昆音下門反復增屬國置都尉丞

百官公卿表上

千人屬官九譯令劉放曰置字當在丞字上成帝河平

元年省并大鴻臚水衡都尉應劭曰古山林之官曰衡掌諸

池苑故稱水衡張晏曰主都水及上林苑故曰水衡主諸官故曰都有卒徒武事故曰尉師古曰衡平也主平

其稅武帝元鼎二年初置掌上林苑有五

丞屬官有上林均輸御羞禁園輯濯鍾官

技巧六殿辯銅九官令丞如淳曰御羞地名也

出御物可進者揚雄傳謂之御宿三輔黃圖御羞宜春皆苑名也輯濯船官也鍾官主鑄錢官也辯銅主分別

銅之種類也師古曰御宿則今長安城南御宿川也不在藍田蓋宿聲相近故或去御羞或去御宿耳蓋者珍



蓋所出宿者止宿之義輯讀與楫同音集濯音直孝反皆所以行船也漢舊儀云天子六廩未央丞華駒駉騎馬輅輅大廩也馬皆萬匹據此表大僕屬官以有大廩未央輅輅騎馬駒駉丞華而水衡又云六廩技巧官是則技巧之徒供六廩者其官別屬水衡也。劉放曰表叙水衡九屬官技巧六廩各一物也後省技巧六廩顏遂謂此都是一官非矣蓋上林自有六廩一令丞主之後六廩等各別有官非此六廩也 又衡官

水司空都水農倉又甘泉上林都水七官

丞皆屬焉上林有八丞十一尉 ○劉放曰都水官處

處有之按表少府及三輔皆有焉水衡屬官先叙九官令丞矣後列長丞又云上林計令長不當並置然則甘泉上林長是一官甘泉都水是一官自衡官已下凡六官言七者誤也 均輸四丞御羞

百官公卿表上

兩丞都水三丞禁圃兩尉甘泉上林四丞成帝建始二年省技巧六廩官王莽改水衡都尉曰典虞初御羞上林衡官及鑄錢皆屬少府

內史周官秦因之掌治京師景帝二年分

置左內史 師古曰地理志云武帝建元六年置左右內史而此表云景帝二年分置表志不同

右內史武帝太初元年更名京兆

尹 張晏曰地絕高曰京左傳曰莫之與京十億曰兆尹正也師古曰京大也兆者衆數言大衆所在故

又據史記知志誤矣



云京兆也屬官有長安市尉兩令丞又都水鐵

官兩長丞左內史更名左馮翊張晏曰馮翊也翊佐也

屬官有廩犧令丞尉師古曰廩主藏穀犧主養牲皆所以供祭祀也又

左都水鐵官雲壘長安四市四長丞皆屬

焉

主爵中尉秦官掌列侯景帝中六年更名

都尉武帝太初元年更名右扶風張晏曰扶助也風化

也治內史右地屬京兆尹掌書令丞如淳曰尹公歸

百官公卿表

傳曰豪彊有論罪輸掌畜官使斫莖東方朔曰益為右扶風畜牧之所在也又有都水鐵

官殿籬尉四長丞皆屬焉如淳曰五時在籬故有尉。劉敞曰有當

作右上云左都水此為右都水也與左馮翊京兆尹是為三輔

服虔曰皆治在長安城中師古曰三輔黃圖云京兆在尚冠前街東入故中尉府馮翊在太上皇廟西入右扶

風在夕陰街北入故主爵府長安以東為京兆長陵以北為左馮翊渭城以西為右扶風也皆有兩

丞列侯更屬大鴻臚元鼎四年更置三輔

都尉都尉丞各一人自太子太傅至右扶

風皆秩二千石丞六百石

卷之九

百官公卿表

卷之九

卷之九



護軍都尉秦官武帝元狩四年屬大司馬  
成帝綏和元年居大司馬府比司直哀帝  
元壽元年更名司寇平帝元始元年更名  
護軍

司隸校尉周官

師古曰以掌徒隸而巡察故云司隸

武帝征和四

年初置持節從中都官徒千二百人

師古曰中都官

京師諸官府也

捕巫蠱督大姦猾

師古曰督謂察視也

後罷其兵

察三輔三河弘農元帝初元四年去節成

百官公卿表上

帝元延四年省綏和二年哀帝復置但為

司隸冠進賢冠屬大司空比司直

城門校尉掌京師城門屯兵有司馬

師古曰八屯各

有司馬也

十二城門候

師古曰門各有候蕭望之署小苑東門候亦其比也

中壘

校尉掌北軍壘門內外掌西域

師古曰掌北軍壘門之內

而又外掌西域

屯騎校尉掌騎士步兵校尉掌上林

苑門屯兵越騎校尉掌越騎

如淳曰越人內附以為騎也晉

灼曰取其材力超越也師古曰宣紀言欽飛射七胡越騎又此有胡騎校尉如說是

長水校尉



掌長水宣曲胡騎師古曰長水胡名也宣曲觀名胡騎之屯於宣曲者又有

胡騎校尉掌池陽胡騎不常置師古曰胡騎之屯池陽者也

也射聲校尉掌待詔射聲士服虔曰工射者也真真中聞聲

則中之因以名也應劭曰頂詔所命而射故曰待詔射也虎賁校尉掌輕車凡

八校尉皆武帝初置有丞司馬師古曰自中壘以下凡八

校尉城門不在此數中自司隸至虎賁校尉秩皆二千

石西域都護加官宣帝地節二年初置以

騎都尉諫大夫使護西域三十六國有副

百官表上

校尉秩比二千石丞一人司馬候千人各

二人戊己校尉元帝初元元年置師古曰甲乙丙丁庚

辛壬癸皆有正位唯戊己寄治耳今所置校尉亦無常居故取戊己為名也有戊校尉有己校尉一說戊己居

中鎮覆四方今所置校尉亦處西域之中撫諸國也有丞司馬各一人候五

人秩比六百石

奉車都尉掌御乘輿車駙馬都尉掌駙馬

師古曰駙副馬也非正駕車皆為副馬一曰駙近也疾皆武帝初置秩比二

千石侍中左右曹諸吏散騎中常侍皆加



官

應劭曰入侍天子故曰侍中晉灼曰漢儀注諸吏給事中日上朝謁平尚書奏事分為左右曹魏文帝合散騎中常侍為散騎常侍也

都尉尚書太醫太官令至郎中亡負

如淳曰將謂郎

將以下也自列侯下至郎中皆得有散騎及中常侍加官是時散騎及常侍各自一官亡負也

多至

數十人侍中中常侍得入禁中諸曹受尚

書事諸吏得舉法散騎騎並乘輿車

師古曰並

音步浪反騎而散從無常職也給事中亦加官

師古曰漢官解詁云掌侍從左右無負常

侍中所加或大夫博士議郎掌顧問應對位

百官公卿表上

次中常侍中黃門有給事黃門位從將大夫皆秦制

爵一級曰公士

師古曰言有爵命異於士卒故稱公士也

二上造

師古

曰造成也言有成命於上也

三簪褭

師古曰以組帶馬曰褭簪褭者言飾此馬也褭音乃了反

四不更

師古曰言不豫更卒之事也更音工行反

五大夫

師古曰列位從大夫

六

官大夫七公大夫

師古曰加官公者示稍尊也

八公乘

師古曰言

其得乘公家之車也

九五大夫

師古曰大夫之尊也

十左庶長十一

右庶長

師古曰庶長言為衆列之長也

十二左更十三中更



十四右更

師古曰更言主領更卒部其役使也更音工行反

十五少上造

十六大上造

師古曰言皆主上造之士也

十七駟車庶長

師古

曰言乘駟馬之車而為衆長也

十八大庶長

師古曰又更尊也

十九關內

侯

師古曰言有侯號而居京畿無國邑

二十徹侯

師古曰言其爵位上通於天子

皆

秦制以賞功勞徹侯金印紫綬避武帝諱

曰通侯或曰列侯改所食國令長名相又

有家丞門大夫庶子

諸侯王高帝初置

師古曰秦邑云漢制皇子封為王其封侯也周末諸侯或稱

諸官公卿表上

王而漢天子自以皇帝為稱故

金璽蓋綬

如淳曰蓋音侯蓋綬

也以綠為質晉灼曰蓋草名也出琅邪平昌縣似艾可

梁綠因以為綴名也師古曰晉說是也璽之言信也古

者印璽通名今則尊卑有別漢舊儀云諸侯

正黃金璽橐佗鈕文曰璽謂刻云某王之璽

掌治其

國有太傅輔王內史治國民中尉掌武職

丞相統衆官羣卿大夫都官如漢朝景帝

中五年令諸侯王不得復治國天子為置  
吏改丞相曰相省御史大夫廷尉少府宗  
正博士官大夫謁者郎諸官長丞皆損其



負武帝改漢內史為京兆尹中尉為執金  
吾郎中令為光祿勳故王國如故損其郎  
中令秩千石改太僕曰僕秩亦千石成帝  
綏和元年省內史更令相治民如郡太守  
中尉如郡都尉

監御史秦官掌監郡漢省丞相遣史分刺  
州不常置武帝元封五年初置部刺史掌  
奉詔條察州

師古曰漢官典職儀云刺史班宣周  
行郡國省察治狀黜陟能否斷治寃

百官公卿表上

獄以六條問事非條所問即不省一條疆宗豪右田宅  
踰制以疆陵弱以衆暴寡二條二千石不奉詔書遵承  
典制倍公向私旁詔守利侵漁百姓聚斂為姦三條二  
千石不郵疑獄風厲殺人怒則任刑喜則淫賞煩擾刻  
暴剝截黎元為百姓所疾山崩石裂託詳訛言四條二  
千石選署不平苟阿所愛蔽賢寵頌五條二千石子弟  
持怙榮執請託所監六條二千石違公

秩六百石負  
十三人成帝綏和元年更名牧秩二千石  
哀帝建平二年復為刺史元壽二年復為

牧

郡守秦官掌治其郡秩二千石有丞邊郡

大司馬

百官公卿表上

卷之

百官公卿表上

百官公卿表上



又有長史掌兵馬秩皆六百石景帝中二年更名太守

郡尉秦官掌佐守典武職甲卒秩比二千石有丞秩皆六百石景帝中二年更名都尉

尉

關都尉秦官農都尉屬國都尉皆武帝初置

縣令長皆秦官掌治其縣萬戶以上為令

百官公卿表上

秩千石至六百石減萬戶為長秩五百石

至三百石皆有丞尉秩四百石至二百石

是為長吏師古曰吏理也主理其縣內也百石以下有斗食佐

史之秩師古曰漢官名秩簿云斗食月奉十一斛佐史月俸八斛也一說斗食者歲奉不滿百石

計日而食一斗二升故云斗食也是為少吏大率十里一亭亭

有長十亭一鄉鄉有三老有秩嗇夫游徼

三老掌教化嗇夫職聽訟收賦稅游徼徼

循禁賊盜縣大率方百里其民稠則減稀



則曠鄉亭亦如之皆秦制也列侯所食縣  
曰國皇太后皇后公主所食曰邑有蠻夷  
曰道凡縣道國邑千五百八十七鄉六千  
六百二十二亭二萬九千六百三十五凡  
吏秩比二千石以上皆銀印青綬師古曰漢舊儀云銀  
印背龜鈕其文曰章謂刻曰某官之章也光祿大夫無師古曰無印綬秩比六  
百石以上皆銅印黑綬大夫博士御史謁  
者郎無師古曰大夫以下亦無印綬其僕射御史治書尚

百官公卿表上

符璽者有印綬比二百石以上皆銅印黃  
綬師古曰漢舊儀云六百石至二百石以上皆銅印鼻鈕文曰印謂鈕但作鼻不為蠱獸之形而刻  
文云某官之印成帝陽朔二年除八百石五百石  
秩綬和元年長相皆黑綬哀帝建平二年  
復黃綬吏負自佐吏至丞相十三萬二百  
八十五人

右將監本杭本越本及三劉宋祁諸

本參校其有同異附於古註之下



百官公卿表第七上

正文四百三十七字

注文五千三百四十六字

